

香囊记

明·邵璨

●第一出 家门

〔鹧鸪天〕〔末上〕一曲清歌酒一巡，梨园风月四时新。人生得意须行乐，只恐花飞减却春。今即古，假为真，从教感起座间人。传奇莫作寻常看，识义由来可立身。

〔沁园春〕为臣死忠，为子死孝，死又何妨？自光岳气分，士无全节，观省名行，有缺纲常。那势利谋谖，屠沽事业，薄俗偷风更可伤。怎如那岁寒松柏，耐力冰霜。闲披汗简芸窗，谩把前修发否臧。有伯奇孝行，左儒死友，爰兄王览，骂贼睢阳。孟母贤慈，共姜节义，万古名垂有耿光。因续取《五伦》新传，标记《紫香囊》。

〔风流子〕兰陵张氏，甫兄和弟，夙学自天成。方尽子情，强承亲命，礼闹一举，同占魁名。为忠谏忤违当道意，边塞独监兵。宋室南迁，故园烽火，令妻慈母，两处飘零。九成遭远谪，持臣节十年身陷胡庭。一任契丹威制，不就姻盟。幸遇侍御，舍生代友，得离虎窟，昼锦归荣。孝友忠贞节义，声动朝廷。

贤德母慈能教子，贞烈妇孝不遗亲。
王侍御舍生死友，张状元仗节忘身。

●第二出 庆寿

〔齐天乐〕〔生上〕读书无意登廊庙，所志岂求安饱？菽水承欢，齏盐乐道，孝悌乃立身之要。〔外上〕青云梦杳，且就学趋庭，继晷焚膏。〔合〕兄弟怡怡，向慈闱躬把甘旨调。

〔（生）洙泗千年道不传，渊微至理在遗编。一生未悟诚明了，百行须知孝悌先。〔外〕追往圣，企前贤，鸢飞鱼跃性中天。三迁曰佩慈亲教，夙夜遑遑更勉旃。〔生〕兄弟，入则孝，出则悌，行有余力，则以学文。今日是母亲寿诞，暂辍讲习之功，就此花前捧觞称庆，以叙彝伦之乐，多少是好。〔外〕哥哥，为此春酒，以介眉寿。况又兄弟既翕，和乐且耽，就当携取酒肴果饌，一同嫂嫂扶持母亲出来。〔下〕〕

〔花心动〕〔旦上〕闺梦惊回，听流莺报道，琐窗春晓。〔贴上〕潘鬓垂丝，莱彩翻霞，闲身且自逍遥。〔外持酒上〕夜来南极祥光照，〔合〕亲寿日喜遇花朝，对碧桃同把寿樽倾倒。

〔（贴）老身崔氏之女，张门之母。良人弃世之时

，二子尚幼，骨肉凄凉，家业凋废。教诲提携，黽勉夙夜，如今皆已成立。大的孩儿张九成，新娶媳妇邵氏贞娘。且喜他德性幽闲，功容尽善，颇称清白之风。第二的孩儿张九思，未遂室家之愿，且待他温习经书，又作区处。正是不求金玉贵，但愿子孙贤。孩儿，你请我出来则甚？〔生、外跪介〕告覆母亲，且喜萱花无恙，棠棣联芳，虽无王母蟠桃之宴，聊效莱子戏彩之欢。况身闲无事，当此春和景明之时，聊具蔬酒，为母亲介寿。

〔贴〕正是万两黄金未为宝，一家安乐值钱多。）

〔锦堂月〕〔生〕红入仙桃，青归御柳，莺啼上林春早。帘卷东风，罗襟晓寒犹峭。喜仙姑书附青鸾，念慈母恩同乌鸟。〔合〕风光好，但愿人景长春，醉游蓬岛。

〔前腔〕〔外〕难报，母氏劬劳，亲恩罔极，只愿寿比松乔。定省晨昏，连枝尚有兄嫂。喜春风棠棣联芳，娱晚景松筠同操。〔合前〕

〔前腔〕〔旦〕祈祷，亲寿弥高，童颜自若，春色故偏萱草。兰茁生馨，青莲已见龟巢。喜一门和气如春

，总万两黄金非宝。（合前）

〔前腔〕〔贴〕垂老，素发飘萧，朱颜委谢，不复镜中年少。教子成名，只指望异日封褒。孩儿，那时节喜十年雪案萤囊，换五色金花鸾诰。（合前）

〔醉翁子〕〔生〕难效，那闵损与曾参子道，且竭力承颜，尽心行孝。〔旦〕论讨，看古往今来，耿耿名从青史标。〔合〕祈寿考，愿鹤算绵绵，福海滔滔。

〔前腔〕〔外〕听告，论为子事亲当显耀，但亲在高堂，怎敢远游相抛。〔贴〕从教，奋万里鹏程，莫学区区儿女曹。（合前）

〔侥侥令〕〔生〕檐花明绣袄，〔旦〕庭草乱青袍，〔合〕但见两两仙童歌《金缕》，玉女奏云璈，舞楚腰。

〔前腔〕〔外〕银缸燃凤脑，玉碗送羊羔，〔合〕一任铜壶催更箭，明月送清宵，转斗杓。

〔十二时〕得欢笑处须欢笑，想来日阴晴难料，万事莫萦怀抱。

〔贴〕春风戏彩醉花前，〔生〕五福从来寿是先。

〔旦〕直见蟠桃开两度，〔外〕却教龟鹤羨长年。

●第三出 讲学

〔宰地锦裆〕〔末上〕三年笃学不窥园，刺股悬梁志亦坚。文章亦可选青钱，问友寻师更勉旃。

（自家高秀才便是。今年正当大比之年，学中几个朋友相期讲学，不免寻访则个。）

〔水底鱼儿〕〔丑上〕坐破寒毡，灯窗苦十年。试官批卷，定为第一篇。

（〔末〕诗叙《关雎》为首章，这的是第一篇。）

〔前腔〕〔净上〕骐驎争先，云程快着鞭。是人钦羨，道咱作状元。

（〔末〕英才满天下，偏你作状元？〔净〕小子志量如此，老兄何故当面抢白？〔末〕将军手里戟如霜，这便是当面抢白。〔丑〕我便要一个足下白。〔末〕人迹板桥霜，这便亲阆掬？〔净〕我要一个身上白。〔末〕满头风雪却回来，这便是身上白。〔丑〕我又要一个白里白。〔末〕梨花院落溶溶月，这便是白里白。〔净〕我要个白、白、白。〔末〕诨不过三。今当大比之年，试期将近，且去寻访几个朋友，讲习学问，多少是好。

〔净〕君子讲学，以文会友，以友辅仁，有何不可。）

〔驻云飞〕壮志轩昂，自小游从翰墨场。文字皆官样，容貌非凡相，嗲，卢、骆与王、杨，岂为吾党？便遇韩、柳、欧、苏，未必多谦让。〔合〕目短曹、刘十仞墙，目短曹、刘十仞墙。

〔前腔〕〔丑〕学问荒唐，终日陶陶入醉乡。纵酒情偏荡，舞剑年方壮，（嗲），裘马任清狂，且耽游赏。你看云淡风轻，花外晴丝扬。〔合〕细柳莺声出画墙，细柳莺声出画墙。

〔前腔〕〔末〕绮陌尘香，多士如云遇试忙。负笈纷来往，问友争寻访，（嗲），逸足骋康庄，肯留羈鞅。志气凌霄，才思殊英爽。〔合〕笔阵生风战堵墙，笔阵生风战堵墙。

〔前腔〕〔生上〕幼习文章，曾佩轲亲教子方。甘旨躬调养，名利谁承望？（嗲），凿壁且偷光，寸阴休旷。悟却诚明，义理从条畅。〔合〕免使他年悔面墙，免使他年悔面墙。

（〔众相见介，净〕动问尊兄高姓？〔生〕学生姓

张。〔净〕立早弓长？〔生〕子张之张。〔净〕甚表？
〔生〕九成。〔净〕必有个出处。〔生〕《书》曰：箫韶九成，凤凰来仪。〔净〕承教承教。此位老兄高姓？
〔末〕学生姓高。〔净〕你倒会使乖。我问你高姓，你就说姓高，怎么不说姓低？〔末〕姓怎么换得？〔净〕甚表？〔末〕八座。〔净〕也有出处？〔末〕《史记》云：尚书六曹并令仆二人为八座。〔净〕将就将就。此位老兄高姓甚表？〔丑〕小子取名时也不曾看书，只有一句猜谜诗。〔末〕愿闻。〔丑〕道是菊残犹有两三枝。〔末〕莫不是郑五花？〔丑〕正是正是。〔末〕足下高姓？〔净〕口天。〔末〕姓吴。〔净〕要倒下口字来。〔末〕那有吞字姓！〔净〕祖上原姓吴，父亲生小子，口大能吞食，说古人曾有田骈，大口做了显官，以此好讖，故改作姓吞了。〔末〕甚表？〔净〕你是一句诗取名，我小子是三句诗得名。〔末〕愿闻。〔净〕第一句你猜：雪暗逢人不举杯。〔末〕这是寒夜客来茶当酒。〔净〕第二句：自小贪杯到白头。〔末〕这是断送一生惟有酒。〔净〕第三句：故人相见且衔杯。〔末〕这

是客来谩酌清樽酒。〔净〕吃你都猜着了。小子平日贪杯，又作得三句好诗，与古人诗相合，就以此为名。

〔末〕三句诗皆有杯字，莫不是吞三杯？〔净〕正是正是。〔诨介，末〕且不要浮言浪语。秀才家相见，讲些文字，以求进益也好。〔净〕正是。都要把本经讲一篇。〔丑〕张兄治何经？〔生〕《春秋》。〔净〕《春秋》大义何如？〔生〕《春秋》以褒贬为义，属词比事，微文隐义，圣人作《春秋》而乱臣贼子惧。〔净〕承教。高兄治何经？〔末〕《毛诗》。〔丑〕大义何如？〔末〕诗以道性情，善者可以感发人之善心，恶者可以惩创人之逸志。〔净〕承教。郑兄治何经？〔丑〕小子治《礼记》。〔末〕大义何如？〔丑〕礼以敬为主，经天纬地，本之则太一之初，原始要终，体之则人情之大。〔净〕这经义切体。今日朋友聚会，小子不曾学得礼数，请教道一番。〔丑〕随诸公要讲那一篇。〔末〕内则、少仪、乡饮、射义随意讲了一篇。〔丑〕不瞞老兄说，孔子问礼于老聃之时，学生年幼，不曾闻得。诸公若要问我经义，待我去问二戴老先生来。〔末〕又道是当仁不让于

师。〔丑〕吞先生治何经？〔净〕《周易》。〔末〕大义何如？〔净〕若要知大义，就在此坐听讲三五日去。

〔末〕那得许多工夫，略说些经旨。〔净〕我就说伏羲画八卦，文王重之为六十四卦。周公作爻辞，孔子作十翼之辞。以后李之才传于穆修，穆修传于种放，种放传于陈抟，陈抟传于邵康节先生。小子便是邵康节先生亲授业的高徒，你怎么驳问我经义起来？〔末〕且不要夸口，只要解太极两仪四象之义还我。〔净〕我那晓得两仪四象，只把八八六十四卦断些吉凶便了。列位若要问前程，就取课钱出来。〔末〕此间张兄是道学之士，休得胡柴。〔净〕不敢。)

〔皂罗袍〕〔生〕为学本知趋向，论修身须尽俭让温良。求仁未入仲由堂，安贫且卧颜回巷。〔合〕男儿志气，努力自强。圣贤经传，潜心会讲，奎光直透三千丈。

〔前腔〕〔末〕自忝朝廷作养，尽劳形雪案，苦志萤囊。十年灯火困寒窗，一朝姓字题金榜。〔合前〕

〔前腔〕〔净〕我礼度从来豪放，恃三军笔扫，五

彩胸藏。须教白屋出朝郎，争夸月斧归天匠。（合前）

（前腔）（丑）莫笑我狂言夸奖，似神鱼失势，暂困濠梁。禹门一日会飞扬，春风鼓动桃花浪。（合前）

（生）焚膏继晷惜三余，（净）管领春风到草庐。

（末）富贵必从勤苦得，（丑）男儿须读五车书。

●第四出 逼试

〔花心动〕〔贴上〕清白家声，嗣箕裘奕世尚遗勋荫。儿肄诗书，妇主苹蘩，何须囊有赢金。〔旦上〕布荆惭遇梁鸿选，喜贤母慈爱恩深，旦暮间奉侍升堂将衽。

〔〔临江仙〕〔贴〕晓镜离鸾羞睹影，孤琴久绝朱弦。只应肠断《柏舟》篇，姆仪崇四德，教子慕三迁。

〔旦〕燕尔新婚谐伉俪，娇容尚怯芳年。躬持妇道未能全，职供南涧藻，心恋北堂萱。〔贴〕媳妇，自你来到我家，方才半月，尚不知我许多心事。〔旦〕婆婆，请说与奴家知道。〔贴〕比初你公公弃世之时，你丈夫与叔叔皆在孩幼，内外俱无期亲之赖。奈家业凋零，朝夕艰窘，勉以诗书，教育二子。如今幸得他卓立成人，但不知前程之事如何。〔旦〕婆婆，不知公公亡过几年了？〕

〔琐窗寒〕〔贴〕守孤帏几度泪沾衿，二十年余丧稿砧。把诗书教子，每苦难禁。终宵耿耿，何曾安枕？只愁他罄囊虚廩。〔合〕古今，惟有孟母与曾参，这般

贤孝堪钦。

〔前腔〕〔旦〕听鸡鸣妆镜慵临，寤寐常怀奉母心。恐西山日近，老景加侵。躬操井臼，还劳织衽，向晨昏怎辞兴寝。〔合〕古今，惟有孟母与曾参，这般贤孝堪钦。

〔前腔〕〔生、外上〕论为学须惜分阴，瞬息风檐岁月侵。奉慈亲强学扇枕温衾，儿心只恐，春秋高甚，那恋着腰黄衣锦。〔合〕古今，惟有孟母与曾参，这般贤孝堪钦。

〔见贴旦介。贴〕孩儿，养子不教父之过，训道不严师之情。自你父亲亡后，训育之功，都是我一身担了。且喜汝等年纪长大，学业有成。但家贫不为禄仕，是以朝夕忧念。今当大比之年，你兄弟可去求取功名，多少是好。〔生〕母亲，自古道，事亲孝，故忠可移于君。孩儿于事亲之礼，尚未能尽，岂可先于事君乎？

〔外〕母亲，李密陈情，犹怀乌鸟之私。皋鱼出仕，致有风木之恨。语云：父母在，不远游。孩儿情愿在膝下习些孝悌之道，不敢违亲远出。〔贴〕孩儿，子路负米

，固能尽养亲之礼，其后虽有崇爵之贵，厚禄之享，思欲奉亲而不可得，为终身之恨。我如今年纪高大，生前不得一享封爵之荣，死后有三牲五鼎之祭，亦必饮恨于九泉之下矣。（生）兄弟，母亲严命再三，你年幼，恐不能任薪水之劳，待我在家事母，你去求官便了。（外）哥哥，少者当任其劳。况哥哥负经济之才，取青紫如拾芥。兄弟学未成章，其实难去。（贴）你两个虽年齿大小，皆受十年灯窗之苦，都去一取功名，方显我教子之功。（旦）官人休要固辞。一则抗亲之命，二则不能养亲之志。你与叔叔同去，婆婆在堂，奴家当自服劳奉养，不必挂念。（生）既然如此，只得顺亲之志，收拾行李，早晚起程便了。）

〔三学士〕只得含情从母命，早办行李登程。事亲未得荣三釜，教子空劳授一经。（合）但愿锦衣归定省，忠和孝两尽情。

〔前腔〕〔外〕暂脱斑衣事远行，免不得戴月披星。母亲，倚门他日休思子，仗剑明朝又逐兄。（合前）

〔前腔〕〔旦〕亲在高堂当暮景，甘旨我自应承。

妾身已受苹蘩托，妇道须倾葵藿诚。（合前）

（前腔）（贴）半世孤灯身共影，孩儿，为汝等多少劳形。若非一举登科日，怎显得三迁教子名。（合前）

（贴）当今黄榜选英才，（生）母命如何敢拒推？

（外）正是窗前勤苦学，（旦）须教马上锦衣回。